

Nazboh Mbanjnencingj: “Sam Yungzhaeuj” Raiz Ok Bien Faenzcieng Moq Guh Minzcuz Doxgiet Baenaj Henzguek

那坡念井村：“三融入”谱写边境民族团结进步新篇章

Gyawj geij bi neix, Nazboh Yen Bingzmung Cin Mbanjnencingj aeu couqmaenh gij eiqsik caezcaemh Cunghvaz Minzcuz guh sienqmeh, baengh gij hozdung cauhlaeb minzcuz doxgiet baenaj bae doidoengh gak minzcuz doxyau dox baedauq doxyungz, coicaenh henzguck minzcuz doxgiet caeuq aenbiengz onjdingh.

Mbanjnencingj dawz minzcuz doxgiet baenaj yungzhaeuj hozdung

cienzdoengj bae. Mwh gvaq ciet, gyoengqde guh hozdung “aen ciet raeuz”, ndawde miz gij vwnzva cienzdoengj Cunghvaz Minzcuz. Vunzlai gag bien gag eu fwen Bouxcuengh, haenh aendangj hwngfat bak bi, danq minzcuz doxgiet baenaj, hawj vunzlai gak minzcuz engq nyinhdoengz gij vwnzva raeuz.

Mbanj de dawz minzcuz doxgiet baenaj yungzhaeuj hong lwnhgangj

bae. Lumjbaenz lwnhgangj gij cwngcwz lijun minzcuz aendangj lailai, youq dangzgoq aendangj son couqmaenh gij eiqsik caezcaemh Cunghvaz Minzcuz, ciu aen doih gagnyienh haeuj mbanj haeuj ranz lwnh minzcuz doxgiet, gangj gojgaeq saekhoengz, gyonjcomz rengzcingq minzcuz doxgiet.

Mbanj de dawz minzcuz doxgiet baenaj yungzhaeuj aenbiengz hwngfat ginghci bae. Lumjbaenz youq laj-

mbanj guh roen suijniz, an lohdaeng, caep aen gvih caeng raemx daengj; haenqrengz hwngfat canjnieb miz daegsaek henzguck, dazyinx vunzlai gak minzcuz yawj dieg dajndaem gobanjlanzgnh, duhmeuz daengj ywdoj; yinx giyez daeuj neix hwnq dieggiek dajciengx vaiznoh, daiqdoengh vunzlai henzgyawj ciengx vaiznoh, bang vunzlai demsou baenzmiz.

(Vuj Cunghgoz /伍忠国)

Gunghcwngz Mbanjhungznganz Aeu Nungzlij Doxyungz Saenqhwnq Lajmbanj

恭城红岩村以农旅融合振兴乡村

11 nyied 2 hauh, daj aen gih mbouj aeu vunz hai haenx yawj roengz laj, gij ranzyouq ndeiawj, diuz haw miz daegsaek, diuz funghyijgyauz, diuz dah caeuq suen lwnqdaeng Gunghcwngz Yauzcuz Swciyen Lenzvah Cin Mbanjhungznganz veh ok fuk veh gyaeundeij lajmbanj. Gyawj geij bi

neix, Mbanjhungznganz ndaem lwnqdaeng, caiq yungzhab hwngfat lajmbanj lijyouz, guh ok aen dieg lijyouz lajmbanj gyae gyawj cungj mizmingz haenx. Bibi cungj yinx daeuj lai buek hekyouz daeuj lijyouz, coenghrengz saenqhwnq lajmbanj.

(Vangz Swnglinz/黄胜林)



▲Mbanjhungznganz yinx daeuj haujlai hekyouz.



◀ Bouxgagnyienh fat swhliu, lwnh cwngcwz.

Dunghhingh Guh “Bigeq Sim Coh Dangj · Bouxlaux Lij Nyienh Guh” Hozdung Gagnyienh Fugsah

东兴开展“桑榆心向党·银龄在行动”志愿服务活动

11 nyied 2 hauh, Dunghhingh Si Minzcungh Giz caeuq Siveij Laujgan Giz daengj danhvei youq Dunghhingh Cin Mbanjhozcouh guh “bigeq sim coh dangj · bouxlaux lij nyienh guh” hozdung gagnyienh fugsah, soengq vwnzyi biujyienh caeuq cihsiz nungzyez, gohgi, gengangh, minzcuz doxgiet daengj haeuj

lajmbanj. Neix dazyinx gyoengq ganbu bigeq gaenxmaenx guh gagnyienh fugsah, guhyienh moq vunzlai gak minzcuz doxgap hwngfat, haeujlaeg son'gyauq lwnhgangj couqmaenh gij eiqsik caezcaemh Cunghvaz Minzcuz, coenghrengz hwnqguh lajmbanj.

(Vuz Cuiyingz/吴翠莹)

Yungzsuij:

Makbug Mbanjmyauz Ndaej Sou Lai

融水：苗乡“柚”丰收

Laebdoeng yaek daengz, gij makbug Yungzsuij Myauzcuz Swciyen ndaej sou lo. Gyoengq vunz ndaem mak swnh mbwngvengq coemj mbaet mak, genj mak, daeh mak, deq hwnjhaw. Yienh de aeu “dangjihbu +

dieggiek + hozcozse” dazyinx vunzmbanj dajndaem makbug, raetmoenggaex, makhojlungzgoj daengj, guh ok canjnieb miz daegsaek, hawj vunzlai ndaej lai roenloh demsou.

(Lungz Linzci/龙林智)



► 11 nyied 1 hauh, boux ndaemmak youq ndaw dieggiek makbug genj mak.